

TUMIEZ

***RIMIS E PENSADINIS***

***IN TUMIEZZIN***

*di*

*Federico Morocutti*

\*\*\*

L I S   A R T S

\*\*\*\*\*

*Fin al di di vœi*

# LIS ARTS

## **Indice**

L'art

La vere art

Art tradizionâl

La critiche d'art

L'artist

Piturâ

Scolpî il len

Canzons îr e vuei

Spetacul di danze

Scrivi

La cjacarade tumiezzine

La poesie

## *L'art*

*L'art a è una scorciatoe*

*che di colp*

*a fâs sintî, intuî, capî.*

*La vere art*

*La vere opare d'art  
a ducj a jà ce contâ;*

*stòris lungjs o curtis  
a ogniun ch'è ch'al sà scoltâ.*

## *Art tradizionâl o essenziâl*

*Ta l'art tradizionâl  
la critiche a è contente  
cuant che a cjate alc che a nol va.*

*ta l'art essenziâl,  
a è contente cuant che a cjate  
alc che al va,*

*tant che al ven di pensâ  
che art cussì a è facile di fâ,  
a baste la critiche che a la sa contâ.*

## *La critiche d'art*

*Complimenz a chê critiche d'art*

*'che da l'art strambe tant a rive a contâ;*

*pecjat che das oparis d'art,*

*tante int a rive a slontanâ.*

## *L'artist*

*L'artist non copie mai,  
lui al sa viodi;*

*e dentri di se,  
fregui di mont sinti;*

*par ispirasi  
e cui siei miez tornaiu a di.*

## *Piturâ*

*Tu viodis, tu vivis o tu rivivis un moment,  
e a ti ven voe di fermâ, chê atmosfere, chê idê, chel sentiment.*

*Libar e di gust, su la tele blancje,  
tu disegnis formis tu spalmis colôrs;*

*cun chê ghenghe che a ti ven da convinzion,  
che al merite fâ vivi chel moment, chê emozion.*



## *Scolpî il len*

*Une idê, un toc di len;*

*tu lu cjalis, tu lu tocjs, tu lu nasis,  
e al è dentri di te;*

*e di te a ven fûr chê fuarze  
che con sgoibiadis netis  
chel len a vâ a scolpî;*

*e che al par content di cedi,  
qualchi sissulute,  
pur di cjapâ une forme,  
un sentiment, une idê.*

## *Canzòns îr e vùei*

*Lis canzòns a si cjantuzzavin*

*cun passion e cun morbi;*

*mentri vuei, sôl a si scoltin*

*inrabiâz e senze trop capî.*

## *Spetacul di danze*

*Fantaz e fantazzinis tal biel lusôr  
a son di musiche si movin lôr,*

*si movin lizêrs tai vestîz dai vîfs colôrs  
a fasin figuris a son come flôrs.*

*Cun pas e pôsis mil emozions a fasi veî,  
a movin dut cun armonie dai pîs as mans fin ai cjaveî.*

*Al è un biel viodi, un biel sintî  
che dome il bal cu la sô mùsiche al pos dî.*

## *Scrivi*

*Scrivi parzè?*

*Scrivi par clarisi lis ideis,*

*a menz tegnîlis e ta vite confrontâlis,*

*par tegnîlis o cambiâlis.*

## *La cjacarade tumiezzine*

*Il tumiezzìn*

*al è prezziâs cuant che al criche  
e sbrigatîf cuant che al zoncje;*

*ma al è cuant che*

*su pas vocâls a si ferme a polsâ,  
che al cjâf a i dà il timp di pensâ.*

## *La poesie*

*A è vere poesie,  
se a sa stizzâ la fantasie;*

*fin a rivâ a sorprendi  
cul biel che a si sint dentri.*